

Årsberetning 2021 Aust-Agder Nei til EU

HOVUDINNTRYKK.

Også i året me har bak oss synte meiningsmålingane fleirtal mot norsk EU medlemskap. På spørsmål om synet på EØS avtalen var det fleirtal for å behalde denne.

Det synte seg at denne meininga heldt seg heilt fram til valet.

Det er difor to viktige hendingar for Nei til EU i 2021 som det er verdt å merkje seg. Den eine er resultatet av stortingsvalet som gav oss eit stort fleirtal mot norsk EU medlemskap på stortinget. Det synte seg at EØS motstanden på stortinget også har auka. Sjølv om det framleis er fleirtal for EØS avtalen, er dette også noko som peikar i vår lei. Det ser også ut som motstanden i fagrørsla framleis er aukande. Den andre viktige saka for oss var at me fekk den sokalla ACER saka inn for høgsterett. Saka er ikkje avslutta enno men prosessen er igang og Aust-Agder nei til EU løyvde også pengar til saka.

MEDLEMSUTVIKLING.

Ved årskiftet 2021-2022, var medlemstalet 503 betalande medlemmer, men det var 111 som det skulle sendast medlemskrav til, men sentralregisteret var under omorganisering og det endelege medlemstalet var ikkje klart enno, men det var etter sentralregisteret "Hypersys" sine tal på 601 medlemmer.

Ved årskiftet 2020-2021 var medlemstalet i fylkeslaget 521 medlemmer. Det vil seie at medlemstalet har gått fram med 80 medlemmer. Dette er nok ikkje heilt

rektig i og med at det var 111 medlemmer som ikkje hadde fått "purring" ennå i 2021

Det vil alltid vere slik at nokre fell ifrå og nye kjem til. Alt i alt har nok medlemstalet gått

noko ned dei siste åra, men kjem det saker som folk er opptekne av

aukar medlemstalet, som til dømes ACER og straumprisen. Dette syner at folk har tillit til oss.

ÅRSMØTET 2021

Årsmøtet 2021 vart halde den 9 juni kl. 1800 på Kokkeklassen Vesterveien 134 Hisøy Arendal. Frå sentrallyinga i Nei til EU, møtte Olaf Gjedrem som orienterte om aktuelle saker som organisasjonen arbeider med.

Frå Ungdom mot EU fekk me vitjing av leiaren: Frankie Rød, som helsa frå ungdomsorganisasjonen vår, og gav oss eri orientering om deira arbeid.

Det vart vald nytt styre på årsmøtet. Desse vart valde: Olav Lidtveit, leiar. Dei andre

styremedlemene vart: Helge Thorbjørnsen Paul Magnus Gamlemshaug Ingrid Skårmo

Odd Arne Gabrielsen. Marit Lyby Bakke. Jarle Brandsdal. Vararepresentantane er Olaf Bakke

Torolf Aanonsen og Bjørn Arne Engen.

Som revisor vart Oddvar Støle vald.

FYLKESSTYRET

På styremøtet den 28.06.21 konstituerte det nye styret seg på denne måten.

Leiar: Olav Lidtveit. Han vart ditektevald på årsmøtet

Nestleiar og sekretær: Helge Thorbjørnsen.

Kasserar: Paul Magnus Gamlemshaug.

Styremedlem og kvinnekontakt: Ingrid Skårmo.

Styremedlem og verve- og medlemsregister ansvarleg: Odd Arne Gabrielsen

Styremedlem : Marit Lyby Bakke.

Styremedlem : Jarle Brandsdal.

Vararepresentant : Olaf Bakke.
Vararepresentant : Bjørn Arne Engen.

FYLKESRÅDSMØTET 2021.

Årsmøtet 2021 gav styret i oppdrag å finne kandidatar til valnemnd som skal utnemnast av fylkesrådsmøtet.

Rådsmøtet vart halde den 23.nov 2021.på Landbrukets hus Skrubbedalsveien 5.Stoa Arendal.

Fyrste del av møtet var eit ope møte som starta kl 1800.der temaet var:ACER.straumprisar.og straumkablar.

Foredragshaldar var Jan Steiholt frå Nei til EU.

Etter foredraget vart rådsmøtet sett,og forslaget til ny valnemnd vart vedteke.

Desse vart valde:

Leiar:Alfred Skaar Kylland.

Medlem: Tora Jakobsen.

Medlem: Erik Fløystad.

Varamedlem: Torgeir Moseid Byglandsfjord.

Andre verv i Nei tilEU

Paul Magnus Gamlemshaug sit som direktevald til rådet i Nei til EU.

Styrets arbeid.

Styret har i kalenderåret hatt 9.styremøte og handsama 33 saker medrekna dei faste sakene.På grunn av coronasmitte

vart to av møta haldne på "Teams".Me har i tillegg hatt årsmøte og rådsmøte og felles styremøte saman med Vest-Agder nei til EU.

på Landbrukets hus Stoa.Arendal .

Styret og vararepresentantane til styret samarbeider godt og me fordeler oppgåvene oss imellom.Me har også kontakt ossimellom på mail og telefon utanom dei ordinære møta.

Arrangement

Også i 2021 la" coronasjukdomen". ein stor dempar på arrangement og utadretta tiltak.I andre halvdel av 2021 vart det letta litt på

"Coronarestriksjonane",slik at me kunne delta på Arendalsuka og på Landbrukets dag på Evjemoen,før styresmaktene såg det naudsynt

å stramme inn på nytt.Desse to arrangementa ser me på som viktige "arenaer" for å møte folk og å tale vår sak-og ikkje minst å verve nye medlemmer.

Sjølv om me fekk delta på desse arrangementa har likevel Coronarestriksjonane sett begrensingar på aktiviteten vår i 2021.

REPRESENTASJON OG DELTAKING

Også i 2021 har me delteke på rådsmøte og leiarmøte i regi av leiinga i Nei til EU.På grunn av coronarestriksjonane vart nokre av desse møta

haldne på Teams eller på telefon,men når smittetilhøva tillet det, også "fysiske"møte.Me har også delteke på dei verveaksjonane som leiinga

har sett igang.

Organisatoriske saker.

Aust-Agder nei til EU har også i 2021 fått god hjelp av fylkessekretærordninga med til dømes utsending av møteinnkallingar og annan informasjon til medlemene våre. Det er varsla frå "sentralt" at fylkessekretærordninga er under omorganisering slik at me må rekne med at nokre av dei oppgåvene som sentraladministrasjonen utførde vert overførte til fylkeslaga, men kva dette vil innebære veit me ikkje så mykje om i skrivande stund.

Ungdom mot EU / Studentar mot EU

-----,

Det er ikkje registrert aktivitet i desse laga i 2021.

Kontakt med lokallaga

Aust -Agder nei til EU har kontaktpersonar i dei fleste kommunar i det tidlegare Aust-Agder fylke.

Dei fleste lokallaga er no registrerte som passive ("sovande") lokallag, og har ikkje hatt årsmøte eller annan aktivitet på fleire år, bortsett frå lokallaget i Arendal som er det einaste lokallaget som framleis er definert som aktivt.

Kampanjesaker i Nei til EU.

Det som har vore den viktigaste saka for oss også i året som gjekk, er kampen for å få Noreg ut av EØS avtalen.

Også i fjor har den sokalla ACER saka vore arbeidd mykje med, og det har lukkast å få prøvd saka for domstolane.

Saka er ikkje avgjort ennå, men er under handsaming i rettsapparatet. Aust-Agder nei til EU har også løyvd pengar til

dette. Utpå haustkanten fekk ACER saka ei serskild merksemd då straumprisane "skaut i veret". Då synt det seg kva

konsekvensar denne avtalen kunne få. Mellom mange andre, reagerte både fagrørsla og industrien på dette og det vart

skipa ei rørsle som kalla seg "Industriaksjonen", som Aust-Agder nei til EU også slutta seg til. Me deltok også på ulike

møte og tilskipingar i samband med ACER saka. Ein annan hyggeleg konsekvens av dette var at me fekk fleire nye

medlemer som meinte at no var "nok, nok".

Politiske vurderingar

I 2021 var det stortingsval. Det førde til at det vart regjerings skifte der Senterpartiet og Arbeiderpartiet gjekk saman om å danne regjering på den sokalla

Hurdalsplattformen. Det var semje om at det ikkje var aktuelt å søkje om EU medlemskap i stortingsperioden. Det vart også hevda at EØS avtalen

står fast men at det sokalla handlingsromet og reservasjonsretten måtte nyttast aktivt. Det er også interessant å sjå resultatet

av dei siste meiningsmålingane. På spursmål om utmelding av ACER og om EØS eller handelsavtale, vart det svara at fleirtalet ville ut av ACER og ha ein handelsavtale framfor EØS. Det vert også interessant å sjå kva konsekvensar desse sakene vil få for samarbeidet mellom eit ja til EU parti og eit nei til EU parti, og kven som må svelge flest "kamelar" for å halde regjeringa saman. Også i 2021 synte meiningsmålingane fleirtal mot norsk EU medlemskap. Me må likevel ikkje gløyme at det framleis er krefter i samfunnet som vil ha oss inn i EU og argumenterer no for at me må inn i EU av tryggingmessige grunnar og syner til Russlands åtak på Ukraina. Det som me likevel må glede oss over er at meir og meir av fagrørsla er imot både EØS avtalen og ACER. Etter mi meining er det fyrst og fremst fagrørsla som kan påverke Arbeiderpartiet i vår favør, sjølv om det nok framleis sit langt inne. Det vert også interresant å sjå den vidare utviklinga i EU, både på grunn av krigen i Ukraina og no når Storbritannia er ute av EU. Sjølv om mangt kan endre seg i tida som kjem, må me likevel vere klår over at det er krefter som vil ha oss inn i EU. Difor er det viktig å halde fram med arbeidet vårt for eit fritt og demokratisk land der me sjølve lagar lovene våre.